

Registered at the G.P.O. as a Newspaper.

NAMA 33.

HASTINGS.

Mei 1, 1924.

TE TOA TAKITINI

HE INOI MO TE MIHANA.

E TE ATUA. i whakakitea mai tau Tama hei whakangaro i nga mahi a te rewera, hei mea i a matou hei tamariki mau, hei tangata mo te ora tonu: he inoi ta matou kia tukua mai tau manaaki ki runga ki te Mihana e whakahaerea ki tenei takiwa a nga ra e heke iho nei.

Manaakitia te kai-kauwhau. Hoatu ki a ia he kaha, he mohio, he kupu e taea ai te wahi ki a ia. Ko koe anake hoki e mohio ana ki o matou mate, me nga rongoa e ora ai ano matou.

Tukua nuitia mai tou Wairua Tapu hei whakaohoho i te hunga e moe ana i roto i te he; hei whakatahuri i a matou katoa ki a koe i runga i te ngakau ripeneta, i te ngakau whakaponu, kia whiwhi ai matou ki te ora tonu. Ko Ihu Karaiti hoki te matou Ariki. —*Amine.*

HE PATAI NO NGAPUHI.

K E! te mihi ki nga kupu matau e kawea haeretia nei e te Pepa. Tenei tetahi ui. No te tau 1840 ka hainatia te Tiriti, a ka taka tatou te Maori ki nga whakahaere a te pakeha. E tenei tau e 84 e pehea ana ta taua tu Maori i roto i te iwi pakeha?

Tuarua: E tenei tau 1924 ahu ake nei mo te 84 tau, ka pehea ano ta taua tu ta te Maori i roto i te pakeha?

—*Nu Herepete Rapihana.*

Kaitiaki.

He mea Panui e Rev. F. A. Bennett, he mea ta e Cliff Press,
Queen Street, Hastings, H.B.

TE TOA TAKITINI

Registered at the G.P.O. as a Newspaper.

Te Utu mo te Pepa 6/6 i te tau.

Me penei nga reta "*Te Toa Takitini*," Box 300, Hastings.

34

TE TOA TAKITINI.

Mei 1, 1924.

HE IWI KAKARA.

(R.T.K.)

HE taunu na te pakeha he iwi paru te Maori na konei i whakamihia ai toku ngakau ki nga kupu a Robert Louis Stevenson mo nga Maori o etahi moutere ririki kei te pito whakararo o te Moana-nui-a-Kiwa. Ko te ingoa o ana moutere ki te pakeha ko Gilbert Group, ko tetahi o nga kainga i noho ai a Tiwini (Stevenson) raua ko tona hoa wahine ko Apemana, ko te kingi o taua kainga i tana wa ko Tembinok. He tangata whai moni a Te Mepinoka, i tana mahi hoko kokonati (coprat), he kaipuke ona, i tae rawa mai tetahi ona kaipuke ki Akarana. I mate tenei tangata ara i riro ona rawa i nga mahi hianga a te pakeha. Na nga kapene pakeha ona kaipuke i tukituki. Mo te tahae o te pakeha ka puta i a Tiwini enei kupu, he kupu e tika ana kia panuitia, he kupu na te pakeha mo raua pakeha ano, "The world-enveloping dishonesty of the white man" — "Te tahae o te pakeha e karapoti nei i te ao." He tangata nui a Tiwini, e rangona ana tona ingoa e te ao katoa.

Kei te aurara a tatou korero mo nga haunga o te pakeha ara haunga tikanga—kua mahue nga korero mo te kakara. Ko tetahi o nga kainga nuui o Gilbert Group ko Butaritari ko te kingi ko te Bureimoa. Ko tetahi tino tikanga a nga Maori o Putaritari he kaukau, he tatai i a ratou ki te puawai, otira he tikanga tenei na o tatou whanaunga katoa e noho mai nei i nga moutere huhua o te moana, tera te kaukau, i te mea he whenua wera to ratou. Ko to taua nei whenua he matao na konei taua ka wehi i te wai. I te wehi i te wai ka paru. E ki ana a Tiwini, "I te wera o te whare ka puta ahau ki waho ki te whakahauangi i a au. Mariri kau te ahiahi, te rangona he reo. Kihai i takitaro ka rangona atu he reo i tawhiti, e ahu mai ana ki a au. He rangai tane, wahine. I tawhiti ano ka tae mai to ratou ha mahana, ha kakara, reka-reka ana te panga mai ki toku mata. "A procession drew near along the road, the hot clean smell of the men and women striking in my face delightfully." He korero tino kororia enei mo enei tangata—he korero whakamiharo rawa ki a au. Ko

taku hoki e mohio ana ka noho huihui ana te tangata, ka heke te werawera, ka maremare, ka tuhatuha, ka puhipuhi paipa, ka tutakina te whatitoka me te matapihi, ka wera a roto o te whare, kaore e kakara—penei me ta Tiwini e korero nei—engari ka haunga, ka piro. Ki te tomo mai tetahi tangata ki te whare ka rongō tonu tona ihu i te kino o te hau o roto o te whare.

Ko nga tino take o te ora o te tangata, he kai, he wai, he kakahu he hau. He ngawari katoa enei mea engari ko nga mea tino ngawari rawa he wai he hau. Kaore he utu o te wai, he mea ki nga wahi katoa, he ngawari noa hoki te utu o te hopi na reira kaore rawa he take e paru ai, e haunga ai te tangata. He mea whakamihī naku te tangata ma—ma te tinana, ma te mahunga, ma te waha, ma nga ringaringa, ma nga kakahu, ma nga whakaaro. Ko te whare e hipoki ana i tenei tangata he kakara. Ko te wahine ma—ma te tinana, ma nga kakahu—e rite ana ki te puawai he hanga ataahua nei ki te matakītaki atu. Ma tangata ma whakaaro; paru tangata, paru whakaaro. Ko te tinana ma, he tinana ora. Ko tetahi take e pangia ai nga tamariki e te mate ma te paru. Kaore he tangata kotahi i te whakaare he mea pai te paru ahakoa ratou paru. I paru ai te tangata he mangere, kua taungatia ki te paru, na reira he mea tino pai te whakaako i te tamariki kia ma, he hanga noa hoki to ratou paru, kaore tena e whakaakona. Kia kotahi horoinga mo te tangata i te wiki ki te wai wera engari me he mea he mahi tana e heke tonu ai te werawera, he mahi paru ranei kia nui atu nga horoinga, ko nga waewae me nga uiho pai atu me horoi i nga ra katoa. E mama ai te kaukau me whai te tangata kia whai ruma kaukau tena whare, kia rere hoki te wai matao te wai wera. Nui atu tenei i te motoka, i te whare nui kahore nei he ruma kaukau, i te huutu whakapaipai. Kahore he pai o te tatai i te tinana me he mea kei te he te whare.

I ki tetahi tangata ko nga tangata ma he tangata whakahi; ko nga tangata paru he hunga whakaiti. E rite ana tenei whakaaro ki te whakaaro o nga tangata o Inia ko o ratou tangata tapu he tangata paru. Me he mea he tohu no te pai, no te tapu, te paru, te piro, kaati he kainga paru te rangi, he iwi paru nga anahera. He hanga whakamiharo te hanganga o nga whakaaro o etahi tangata e mea nei he tohu no te whakaiti te paru. Kia au nei he tohu no te mangere, no te hakurara. E whakaritea ana e te Karaipiture te hara ki te poke, te hara-kore ki te ma. I inoi a Rawiri, "Pūrea ahau ki te hihopa, a ka ma ahau; horoia ahau, a ka ma ke atu i te hukarere. . . . Hanga, e te Atua, he ngakau ma ki roto ki a au: whakahoutia hoki ki roto ki a au he wairua tika." He iwi kakara nga tangata o Putaritari; he iwi kakara nga tangata o te rangi.

Kaore e hapa te ora o te rewharewha me te maremare i te WOODS' GREAT PEPPERMINT CURE—1/9, 2/9 patara.

KAI-WHAKAAKO KI RAROTONGA.

NO te 21 of nga ra o Maehe nei ka tu te po poroporoaki a te pakeha mo Mr. and Mrs. McGruther ki te hooro o Waerenga-a-hika, Kihipane. Ko ia te mahita o te kareti o Waerenga-a-hika. Ko te whenua i tu ai tenei kura he mea tuku na nga matua ki etahi o nga Wiremu hei whakaakoranga mo a ratau uri i muri i a ratou. Ko tenei tangata raua ko tona hoa wahine no te takiwa o Waikato, he awhekaihe anake raua. He nui te aroha o te pakeha, Maori hoki, i to raua wehenga atu me ta raua whanau. E ahu ana ki Rarotonga, ara ki tetahi o nga motu, ko Mangaia te ingoa, e 3 nga kura kei tenei motu, koia te mahita mo enei kura, ara Headmaster me tona hoa wahine ano ka mahi tahi raua. He nui ke atu te utu mo raua i te utu o tenei kura ka mahue iho nei e £600 te moni ma raua hui atu ki te utu £100 mo nga raruraru ote whare, me ona taonga katoa e tika ana mo roto. Hei te 1 o nga ra o Aperira ka rere atu i Poneke. Ka timata te utu mo raua kotahi wiki i mua-atu o te wehenga atu i Niu Tireni a ma reira katoa hoki e utu nga raruraru katoa o te haerenga. Ka mutu i te toru tau te whakaritenga mo ta raua whakaako, ki te pai raua ki te noho atu ano mo tetahi 3 tau ka ahei ano. He Maori katoa nga tangata o tenei mouere, he iti rawa atu nga pakeha.

I tae a Ta Timi Kara me Reeri Kara ki tenei po a nana i tapae te paahi moni te aroha a te pakeha, Maori hoki mo raua. He nui hoki te pai o nga korero a Timi Kara mo raua. Me tona kupu whakamutunga, i mea ia. ka kaha au ki te korero ki nga takiwa Maori e haere aua au, kia tukua mai a ratou tamariki ki tenei kura. No reira e nga hoa i tena wahi i tena wahi, kati te pupuri tonu i a koutou tamariki i te kainga. E rua nga mokopuna a Timi Kara raua ko tona wahine kei konei e kura ana, ka mohio mai koutou he pai nga whakaakoranga me nga mahi ngahau e mahia ana i tenei kura. Ko te headmaster, ara mahuna o te kura inaianei ko te mahita tua-rua, ki te kitea te pai o tona whakahaere ka tuturu ia, ki te kore ka haere he panui mo nga tangata e hiahia ana mo te tunga "headmaster."

I tu ano hoki he po poroporoaki ma nga Maori i te Wai-hirere. Me nga taonga Maori i tapaetia atu kia raua. Muri mai, i te ra tonu, i haere ai ka tukua ano e Tame Arapata raua ko tona hoa wahine he whariki he piupiu, hei powhiriwhiri atu mo raua ki era o tatou toto.

—*Heoi Na Tame Arapata.*

Makaraka,
Kihipane.

Mo te Puru me kai i te WOODS' GREAT PEPPERMINT CURE—1/9, 2/9 patara.

NGA KORERO WHARE WANANGA ME NGA KARAIPITURE.

Wiremu Te Moana, Waikirikiri Pa, Ruatoki North.

KO te kaupapa o enei korero he whakahoki mo enei patai:
 Tuatahi—*I haere mai tatou i whea ki tenei ao?*
 Tuarua—*He aha ta tatou mahi i tenei ao?*

Tuatoru—*Ina mate tatou, e haere ana tatou (wairua) ki whea?*

Na, ki ta te whakaaro nui he tino mea nui kei roto i enei patai, hei whakanui i o tatou whakaaro, i o te Iwi Maori. Kua pataitia ano nga patai nei kite iwi Pakeha; kati, ko nga whakautu i na rototia i nga karaipiture, hei whakapumau i ana whakamaramatanga. E mohio ana tatou, te Iwi Maori ko nga karaipiture he mea tuhituhi na nga poropiti tapu a te Atua, me nga kai-tuhi hitori mai ano i te wa ia Arama ki te wa i a Noa, ki te wa ia Mohi ratou ko nga poropiti; i reira mai tae ilho kia Ihu Karaiti ratou ko ana akonga, ara ko nga Apotoro.

Na, ite mea kua whakautua enei patai i roto i te reo Pakeha. i puta he painga kia ratou, na e kore ianei e tika kia whakautua i roto i te reo Maori, kia puta ai hoki he painga kia tatou (Maori)? Ko nga whakautu i te taha Pakeha he mea hoki atu kinga tuhituhinga o nehe; na reira i whakapumau a ratou whakamaramatanga. Na, e kore ianei e tika kia hoki atu tatou ki nga korero a nga Ruanuku o te Iwi Maori, i puta mai nei i roto i o ratou whare Wananga, hei whakapumau inga whakautu mo te taha kia tatou?

Hei muri ra takiri mai ai nga whakamaramatanga i te taha Pakeha, kia tau riterite ai te ahuatanga o a rana whakautu, kia rite tahi ai hoki te whiwhi kinga painga me nga mohiotanga. Ina enei patai i marama ai te tauira o te whakaoranga e whakaturia nei e nga Karaipiture.

Na, mo runga mo etahi aronga o nga patai nei, na reira te whakaaro i penei ake ai, tena, hoki atu te whakaaro ki nga akoranga o roto i nga Whare Wananga, aha koa kua pitopito te mau mai o nga mea i whakaakona e nga Ruanuku i reira, kati me whaka matau noa ake etahi o a ratou akoranga hei whakau inga whakamaramatanga o nga patai kua tuhia ake ra.

I mea a Paora kite hunga o Teharonika: "Whakamatautauria nga mea katoa: kia u ki te pai." He taurai pai tenei na Paora, kia mohio ai tatou e ahei ana ia tatou te rapu kia whiwhi ai kinga mea pai; kaua i nga kumekumenga a te whakaaro kuare, engari i runga i te whakaaro mohio. Na me penci ta tatou whakamatauranga i nga mea katoa kia u ai ki te pai: - Hemi 1: 5- "Ki te hapa tetahi o koutou i te matauranga me inoi ia kite Atua e homi nui nei ki te katoa, kahore hoki ana tawai mai; a ka homai kia ia."

I haere mai tatou i whea? Ko te patai tuatahi tenei. Ki te whakaaro ake e tino taea ana tenei patai e nga korero o te Whare Wananga; koia tenei e whai ake nei.

A.—I HAERE MAI TATOU I WHEA.

Ko te rangi i noho ai te Atua, ko Toi o nga rangi, ara ko Tikitiki o rangi. Ko nga Atua e uru atu ana ki reira ko nga Whatukura, he Atua taane. Ko to ratou whare ko Rangiatea. Ko nga Mareikura, he Atua wahine. Ko to ratou whare ko te Rauroha. Ko te ingoa o te Atua-nui ko Io-matua-te-kore. Ko te whare o nga kai-tiaki o nga tatau o Tikitiki-o-rangi, ko Tawhirirangi. Ko ta ratou mahi, he mahi i nga mea wairua, koiaira o tatou wairua, e kiiia nei i roto ia Toi-o-nga-rangi, ko nga mano tini o Puhitau.

I rira tatou e noho wairua ana, kahore he tinana kikokiko, wheua ranei, ka rite te wa e noho ai o tatou wairua i reira, ka heke mai i reira ki nga Rangi-tuhaha kia whakaakona e nga Tahurangi, Atua tane; e nga Tahupunga, Atua wahine, o roto i Tiritiri-o-matangi. Ka mohio tatou ki nga mahi o reira ka heke mai o tatou wairua ki Ranginui-a-te-maku-rangi, ko reira tatou whai ingoa tuarua ai; ko nga wairua taane he Rawhitiao; ko nga wairua wahine, he Matangiwai. Ko te take o te noho a o tatou wairua i reira he noho tatari kia rite te wa e heke mai ai ki raro nei kia Papatuanuku nei kia whiwhi ki te tinana kikokiko. Na, he roa noa atu te korero nei engari i whakapotoa.

Na kei roto tatou i te tinana kikokiko, ia tatou e noho nei i tenei ao. Ko te whakahoki tenei o te patai: I haere mai tatou i whea? Ki ta nga korero i roto i te whare Wananga.

Ko ta te karaipiture tenei e whai ake nei mo taua patai ano. Hopa 38: 4. I whea koe i a au e whakatakoto ana i te turanga o te whenua? Korerotia mai mehemea e mohio ana koe kite whakaaro. Te whitu o nga rarangi: "I te mea i waiata nga tahi nga whetu o te ata, a i hamama i te koa nga tamariki a te Atua." Na, he tama a Arama to tatou matua na te Atua. Ina te whakapapa: Ruka 3: 38. "Ko Kainana ta Enoka; ko ia ta Heta; ko ia ta Arama; ko ia ta te Atua." Ko Arama to tatou matua ki te wahi ki te kikokiko; ko te Atua te tatou Matua ki te wahi ki te wairua.

Ihamama katoa o tatou wairua, e ai kita Hopa, i te koa, no te mea i mohio o tatou wairua kei te homai he ao mo tatou me nga tinana hoki. He mea hanga a Arama to tatou matua e te Atua ki te puehu o te oneone, ara tona tinana kikokiko, a whakahangia ana te manawaora ki roto, aka whai wairua ora te tangata; ara te kikokiko o te tangata ka whiwhi ki te wairua ora. Tenei ano tetahi atu karaipiture hei whakaatu kia tatou i haere mai o tatou wairua i te Atua; Kai-kauhau 12: 7: "Na hoki ana te puehu ki te whenua, ki te pera me ia i mua, a hoki ana ano te wairua ki te Atua nana nei ia i homai." Epera ana ano ta Paora korero kinga Hiperu: "He matua ano o tatou ki te wahi ki te kikokiko, he mea papaki tatou na ratou, i

hopohapo ano tatou kia ratau. Kaua ianei e nui noatu ta tatou ngohengohe ki te matua onga wairua kia ora? ” E ai ki ta enei karaipiture, he Matua to tatou, he Atua hoki kei te rangi. E rereke ana ranei i ta nga tupuna o namata o te iwi Maori? Kahore rapea, e rite tonu ana. Na ko te whakahoki tenei o te patai tuatahi, ara i haere mai tatou i whea? I haere mai i te rangi: he tamariki na te Atua.

(*Taria te roanga.*)

HE MIHI KI NGA TAMARIKI.

Ki te Etita.

TENA KOE. Whakaaturia ki nga tamariki o te iwi Maori nga mihi a nga tamariki pakeha o te Kura Ratapu o Ormondville ki a ratou. I konei a Kenana Ata Wiremu e whakahaere ana i te Mihana i te 9 ki te 16 o nga ra o Maehe, a i tae atu ia ki te Kura Ratapu i nga Ratapu e rua. I whakatu ia i nga Himene e waiatatia ana e nga tamariki Maori me te whakaaro nui o etahi tamariki ki to tatou Ariki atawhai. Kei te mihi atu nga tamariki pakeha o nga Kura Ratapu o Ormondville me Mokotuku ki nga tamariki o nga Kura Ratapu Maori. Hei tohu mo to ratou aroha kua tapaea ta ratou ohaoha o te Ratapu nei te 16 o nga ra o Maehe mo nga mahi o te Mihana ki nga Maori.

Kia mau te mahara ki te aroha nui o to tatou Ariki, e rite tahi nei tona aroha ki nga tamariki Maori me nga tamariki pakeha.

Heoi ano. Kia tau nga manaakitanga a te Ariki ki nga tamariki Maori katoa.

Na nga Kai-whakahaere o nga Kura Ratapu—

Makotuku: Louisa Fothergill.

Ormondville: Annie Webb.

[Ko te aroha a nga tamariki (apiti ki nga Matua) i tapae ai ki a Kenana Ata Wiremu e £9. Kia ora nga tamariki pakeha e aroha nei ki o koutou taina o te iwi Maori.—*Etita.*]

TE WHEA PANGO ?

Ki te Etita.

TENA KOE. Tenei he whakahoki i nga patai a te tangata nei a Akapita Hamuera Pango, kaore nei ia e whakahe ana i nga korero a Pirika te Miroi, me wa Tutane kai Pokaitahu, me wa Te Rire, engari e whakamihi ana ia.

Mo tana patai 6 i te wharangi o *Te Toa Takitini* o Aperira; he aha te turanga o Ngahuruhuru Pango i roto i te iwi? Taku whakahoki he rangatira ope. Koia hoki te tangata i haere ki Ngapuhi i riro ake ai te kuia o Akapita, ara a Parewahaika me etahi atu.

Mo te Tuawaru o ana patai. Atikoia na wai te 27 paati o te Wharekarakia i Ohinemutu. Tirohia te meneti puka o Rotorua, ko Pererika Ngahuruhuru kai roto i te taitara o taua 27

paati. Kaore kau he Ngawene Pango, he Hamuera Pango ranei, i roto i taua piihi. Mo te patai tuaiwa. Taku whakahoki: ko Te Au ra raua ko tona teina ko Te Eketu Ngahuruhuru e hapai nei i te Hahi o to raua koroua, me to raua papa o Pererika Ngahuruhuru. Titiro iana ko te Whare-karakia tawhito kua hikitia atu ki te taha ki te moana. Na Te Eketu Ngahuruhuru i whakaae kia tu ki reira, hei painga mo te Hahi o tona koroua o Ngahuruhuru Pango.

Kia mohio mai te kooti whakatau i te kechi mo nga Pango nei, ki taku titiro me whakatau tenei kechi ki a Ngahuruhuru Pango, i runga ano i te marama o nga korero me nga ripoata o te taha ki a ia. Ko te taha ki a Ngawene Pango kei te kimi paura, a kaore e kitea he paura pai, ara paua kaha. Ko nga paura kua kitea e te tangata nei e Akapita, he paura whiunga na nga tamariki ki te wai, ana ka hau-maku, kaore e paku. Kia kaha ra e koro ki te kimi paura tika kia pai ai hoki te paku.

—*Na Te Rire Whititera.*

Ohinemutu.

Ki te Etita.

TENA KOE. Tena kua kite iho i nga patai a te hoa, e patai nei kia mohio ai, he aha tenei, pehea tera, nawai tenei? E Toa Hamuera, toko rongo ki oku kuia, na Pango i hari mai a Te Wiremu, ki te riu o Rotorua. Penei hoki te rongo o etahi tangata tokomaha o Rotorua nei. Ko koe anake me ou hoa ruarua nei, kei te kuare ki ta te tokomaha i mohio ai o tatou e noho nei i Ohinemutu.

Kaati, kua kite iho i o patai. He aha koe te patai tonu mai ai ki a matou i a tatou e noho tahi nei i Ohinemutu, i kawea ai o patai hai matakitaki ma rau rangatira ma i tena marae i tena marae, i kitea nuitia ai to taua nei kuare. Kua kitea iho i o patai, kaore ano koe ki a koeke.

Patai 2.—Na Pango a Ngahuruhuru. Koina i karangatia ai Ngahuruhuru Pango.

Patai 3.—Kaore koe i rongo i a au e korero ana i ta tatau hui. i haere a Pango i runga i te kaupuke o te Korekore, ki te kimi i tana tamahine i a Mangamangaiatua i nga rohe o Ngapuhi. E rere ke ana te korero atu a to kai-titiro i nga korero o roto o nga panui, me tana tuhituhi i to hiahia penei, pera. Ka raru te kapo.

Patai 4.—Ae, i pena taku korero. I hahua mai a Mangamangaiatua i Oihi e Pango, me taku waiata i te waiata a Pango.

Patai 5.—Kai Paihia a Ngapuhi me Ngati Whakaeu, mai i mua tae mai ki enei ra.

Patai 9.—Ko Pererika Peneti, ko te mokopuna a Ngahuruhuru, te kai-hapai i te whakapono o te Hahi o Ingarangi, te owha a taua tupuna i hari mai ai. Ko wai ki tou rongo?

Heoi ano

—*Na Tutanekai Pokaihou*

NGA MOANA O TE ARAWA.

KUA PUTA TE £6,000 TUATAHI.

TE HUI A TE POARI.

Tari a Te Kooti Whenua Maori,

Rotorua, Maehe 27, 1924.

I TU te hui ate Poari o Te Arawa i te 2 o nga haora i runga i te panui a te Minita Maori. I tae katoa mai nga mema. 1. Ko Tiweka Anaru Kai-Rehita o te Kooti Whenua Maori te Tumuaiki o te hui Nana i panui:

(a) Te panui a te Minita karanga i te hui.

(b) Te pukapuka whakatu a te Kawana Tianara i nga mema o te Poari.

I tono ia kia whakaingoatia he Tiamana mo te hui Poari.

2. Na H. McPherson i motini na Raureti Mokonuiaranga i tautoko, "Ko H. T. Mitchell hei Tiamana mo te Poari." Kaore he tangata ke i whakaingoatia, kua ana kia tu a H. T. Mitchell. Ka mihi ia ki te Poari a ka eke ki te nohoanga o te Tiamana.

3. Na H. McPherson i motini na W. Tamati i tautoko: "E mihi ana tenei Poari kia Kapene Mea kia Hon. A. T. Ngata kia F. Earl kia R. Levin mo a ratau mahi ki te tautoko i te Keehi a te Arawa mo nga moana a tae noatia tona tutukitanga."—Whakaaetia ana.

Ko te Hon. A. T. Ngata o enei i konei a i whai kupu ia ki te Poari. Ko nga take hei mahinga mana i tenei wa ko nga kaupapa hei whaaingai nga ra e heke iho nei. Taana ki ko te kupu kaha o te Ture nana i whakaoti te keehi o nga Moana, ko te kupu e whakaatu nei, kei te Poari te mana hei tino whakatau he aha nga take tika hei whakapaunga mo nga moni, kei roto i tona ringa e pupuri ana, na tena kupu i tino whakaeke te kawenga tino taimaha ki runga ki te Poari, a ma te ahua o te whakahaere a te Poari e tutuki pai, e he ai ranei te kaupapa o te moni a te Arawa.

4. Na Kepa Ehau i motini na Raureti Mokonuiarangi i tautoko, "Me tuku he kupu tohutohu a te Poari ki te Minita kia whakaturia ko Tiweka Anaru hei Apiha haina haki i raro i te rekureihana 25 (2)."—Whakaaetia ana.

I patua tonutia atu he waea ki te Minita Maori whakaatu i tenei motini.

5. Na H. McPherson i motini na Rev. Waaka i tautoko, "Ko te tauira o te Hiiri e mau ake nei me whakaae a me tuku atu ki te Minita Maori kia whakamana mai."—Whakaaetia ana.

6. Na Raureti Mokonuiarangi i motini na Wirihana Tamati i tautoko, "Ko Wiremu Ereatare hei Waihi Tiamana." Na Kepa Ehau te menemana na H. McPherson i tatoko, "Ko Te Morehu Te Kirikau hei Waihi Tiamana." I runga i te whakahipanga a Te Morehu Kirikau i tona whakaingoatanga ka unuhia te menemana kawhakaaetia te motini.

7. Na H. McPherson te motini na Aperahama Wiari i tautoko, "Ko Raniera Kingi hei Hekeretari mo te Poari a me maunu hoki ia i tona tuunga mema."—Whakaaetia ana.

I whakahaeretia te tuunga o Raniera Kingi ina ia ka rihaina ara kei tehea Hapu he tangata mo tona tuunga. I te whakaari tanga ate Morehu Kirikau kia whakatarewatia tenei take, ka whakaaetia. I runga i te motini a te Morehu te Kirikau ka hikitia te hui a te Poari mo tetahi wa poto kia ahei ai a te Arawa i tae mai ki te whakaputa i o ratou whakaaro.

8. I te tuwheratanga ano o te hui ka whakahaeretia e te Poari te take e pa ana ki nga moni i te Peeke, e ki ake nei nga Rekureihana ki te Peeke o Niu Tirenī i Rotorua te Putea a te Poari.

Na H. McPherson i motini na Kepa Ehau i tautoko: "Ko Henry Taiporutu Mitchell, Wiremu Ereatara, Wiremu Waaka te Rohu, Wirihana Tamati, Kepa Ehau, apiti atu kia Tiweka Anaru. Apiha haina haki, e meinga aianei ka whaka tungia hei tangata whakahaere i te kaute a te Poari i te Peeke o Niu Tirenī i Rotorua, a me whakaatu ki taua Peeke o Niu Tirenī kia whakamana e ia nga haki a te Poari e hainatia e ratou ahakoa e whai moni ana kaore ranei taua kaute, a ko Henry Taiporutu Mitchell, Morehu Kirikau, Wiremu Ereatara, Wiremu Waaka te Rohu, Wirihana Tamati, Kepa Ehau, apiti atu kia Tiweka Anaru apiha haina haki, me ahei ki te whakamana Haki. Tarawhe, Pire Whakawhiti, Nooti Whakarite, me etahi atu ahuatanga o te Moni, i raro i te ingoa o te Poari a ko enei mana e kore e taea te whakataka ia ratou kia paahitia ra ano tetahi Motini whakataka ia ratau ka tuku atu ki te Peeke katali ano ratou ka taka. Me ta mau marika ano boki te Hiiri a te Poari ki runga i taua motini whakataka i ratou." —Whakaaetia ana.

I kōnei ka haina nga mema kua whakaingoaia ake nei i o ratou ingoa ki te pukapuka ki te Peeke o Niu Tirenī.

9. Na H. McPherson i motini na Kepa Ehau i tautoko, "Kia tukuna he tono ki te Minita Maori kia tukuna mai e ia ki te Putea a te Poari i mua o te 31 o nga ra nga moni i whakaritea e te Paremata mo nga raruraru o te keehi o nga Moana me tango atu e ia nga moni i pau i runga i te whakaaro kia Tawa." —Whakaaetia ana. I patua tonutia atu e te Tiamana he waea ki te Minita Maori whakaatu i tenei Motini.

10. Na H. McPherson i motini na Kepa Ehau i tautoko, "Mo te ahuatanga o te £6,000 ka puta ki te Poari a te 1 o nga ra o Aperira kia tonongia atu kite Minita Maori kia tirotiro tia mai pena ka whakaae te Putea o te Motu kia penei te whakaputa mai. Kia £1,000 i te Marama tuatahi, kia £2,000 i te marama tuatoru a ko te toenga o nga moni mo te paunga o nga marama e ono, a me utu e te Putea o te Motu te Inaitareti e utua ana e te Kai Tiaki Maori mo nga moni i tona ringaringa.

I puta nga whakamarama kaore te Kai Tiaki Maori i te hiahia Moni i tenei wa, ko te hiahia he whakamahi tonu atu i te moni tinana ki te kimi hua hei whakaea i etahi o nga raruraru whakahaere o te Poari. I patua tonu tia atu e te Tiamana he waea ki te Minita Maori whakaatu i tenei motini.

11. Na H. McPherson i motini na Wiremu Ereataa i tautoko, "Kia whai mana te Tiamana Raua ko te Hekeretari ki te whakarite i tetahi Tari me ona Whakatikatika ki Rotorua ma te Poari."—Whakaaetia ana.

12. I whakaputa a Hon. A. T. Ngata i tona whakaaro mo te kaupapa hei whaka takoto ma te Poari mo runga i te whakapaunga o nga Moni. He mea tika tonu kia tonu te Poari i te whakaaro o te Arawa mo runga i tenei take, a kia hanga hoki te Poari i etahi Kaupapa hei whakatakoto atu kia te Arawa. He roa te wa ka tutuki he take i runga i tenei whakahaere, e ngari ko tona mutunga he ngakau ngawari rangimarie, i waenga nui i te Poari me te Iwi. I toona whakaaro me kaha te Poari ki te whiriwhiri i nga kaupapa e pa ana ki nga wai umu, ki nga tikanga whakatu whare, a mo te taha ki te matauranga kia whakatuungia he Karahipi, kia akona hoki nga mahi-a-ringa ringa tae atu ki te ahuatanga mo nga Hoia o te Arawa kia awhinatia. Ko te kohatu nana i tata waahi te Kaupapa ko te hiahia o tetahi wahanga o te Iwi kia wehea etahi whakaaro motuhake ki etahi wahanga motuhake o te Iwi. He pai te whiriwhiri tonu atu o tenei ahuatanga i naianei, hei whakatakoto te Poari i tetahi Kaupapa motuhake a te putanga mai o te tahi Kaupapa hou kua kore i taea eia te whakatutuki o ana whakaritenga.

Ikonei ka hiki te hui.

No. i 7.30 p.m. ka tuwhera te hui ki Whakaturia. Ohine-mutu. I tae katoa mai nga Mema. I takoto i te Tiamana te reta mai a Tupu Taingakawa i tuhia mai e Keretoke Te Ahu kia Mita Taupopoki i te 24 o nga ra Aperira, 1922, tonu mai kia tukua atu te moni i tukua mai e Waikato mo te Keehi o nga Moana: E ai ta ratau korero, ko te moni £150. I muri o nga korero mo tenei take ka motini a Te Morehu Te Kirikau na Kepa Ehau i tautoko.

(a) Kia uiuia tenei take kia ata maramatia mehemea i utua ki nga Roia o te Arawa enei Moni.

(b) Na te Morehu Te Kirikau i motini na Heemi te Uara i tautoko, "E whakaae ana tenei Poari ki te whai whakaaro ki te Keehi a Waikato mo ona raruraru e pa ana ki te Komihana uini mo nga whenua Muru a me whakamana a Mita Taupopoki, ki te whakaatu i tenei ahuatanga i te hui a Waikato ka tu ki Waahi apopo." Whakaaetia ana.

13. **NGA HUI A TE POARI.**—I whakaaro tia kia auau nga hui a te Poari, i te timatanga kia wawe te takoto o tetahi kaupapa, ka motini a H. McPherson na Wirihana Tamati i tautoko, Me tu he hui ma te Poari ia toru marama engari mehemea ka kite iho te Tiamana e tika ana kia karangatia he hui, etahi hui ranei i waenga nui o aua toru marama mana e karanga tana, aua hui ranei. Na Te Morehu Te Kirikau te menemana na Kepa Ehau i tautoko. "I roto i te toru marama tuatahi me hui a marama te Poari." I whakaaetia ko te menemana e te reo o

te Poari a i whakaritea kia tu i nga ratoru whakamutunga o nga marama au hui i te 2 o nga haora i nga ahiahi.

14. **NGA RARURARU ONGA MEMA** (Rekureihana 26). I motini a H. McPherson na Rev. Waaka i tautoko: "Me utu nga mema o te Poari ki te 12 herengi ite ra hei whakarite i te moe ite Kai i te utu o nga waka e tae mai ai e hoki atu ai i nga hui."—Whakaaetia ana.

15. **UTU MO TE HEKERETARI.**—Na. H. McPherson i motini na Taimona Matuha i tautoko: Kia £250 te utu mo te Hekeretari ite tau, me utu a marama a me whakarite a tau tona tuunga."—Whakaaetia ana.

16. Na H. McPherson i motini na Kepa Ehau i tautoko: "Me whakarite kia Rima Pauna te moni mo tetahi kaute a te Hekeretari hei whakarite i etahi raruraru ririki mo te marama o Aperira."—Whakaaetia ana.

17. Na. H. McPherson i motini na Raureti Mokonuiarangi i tautoko: "Kia riro ma te Tiamana raua ko te Hekeretari he taurira mo tetahi haki (cheque) motuhake ma te Poari, ka hari mai kia whiriwhiri ngia e te Poari."—Whakaaetia ana.

18. Na H. McPherson i motini na Taimona Matuha i tautoko: "Kia whakaaria te Tiamana Te Hekeretari me Kepa Ehau hei Komiti Whaiti hei wai hanga i tetahi reta kia te Arawa, ka whakatakoto ki te aroaro o te Poari apopo, ko taua reta he tono kia te Arawa kia tukuna mai wa ratou kaupapa hei whaka paunga mo nga moni."—Whakaaetia ana.

19. Na H. McPherson i motini na Ra Mokonuiarangi i tautoko: "Kia whaka haungia te Hekeretari ki te hanga i tetahi kaupapa hei whiriwhiri ma te Poari a te hui kei te tu mai, e whai painga, oranga ai nga hoia o te Arawa i nga moni o te Moana."—Whakaaetia ana.

I KONEI KA HIKI TE HUI MO TE TEKAU O NGHA HAORA APOPO.

Maehe 28, 1924.

10 O NGHA HAORA.

Ko H. T. Mitchell te Tiamana i te tuwheratanga o te hui. I tae katoa mai nga Mema o te Poari.

I panuitia e te Tiamana te taurira o te reta i haria e Mita Taupopoki raua ko Hon. A. T. Ngata i runga i te motini No. 2 (b) i paahitia i nanahi. I panuitia hoki e te Tiamana te reta hei tuku kia te Arawa.

20. I runga i te motini a H. McPherson na R. Mokonuiarangi i tautoko, "Whakaaetia ana kia paahitia te taurira o te reta i hangaia e te Komiti Whaiti i runga i te motini 19 i paahitia i nanahi a me perehi e te Pepa o Rotorua kia 200 nga kape."

21. Mo nga Motini: "Me tuku mai nga whakaaturanga Motini ki te Hekeretari kotahi wiki i mua mai o ia hui mehemea ka tae me tuku e te Hekeretari ki nga mema he kape o au motini."

22. I runga i te motini a Wiremu Ereatara na Te Morehu Te Kirikau i tautoko: "Me tuku e te Hekeretari ki nga mema o te Poari he kape o nga meneti o ia huinga i muri tata iho o **aua hui.**"

23. I whakaaetia i runga i te motini a H. McPherson na Kepa Ehau i tautoko: "Kia takoto nga mihi a tenei Poari ki te Hon. J. G. Coates, Minita Maori, mo tona kaha, ki te hanga i te Ture i tutuki ai te Keechi o nga Moana, tae atu ki te kaupapa i tu ai i mana ai tenei Poari," a me waea tenei motini ki te Minita.

24. Motini 10 (e pa ana ki te kimi hua o te £6000 i roto i te wa poto). I motini a Mita Aporo Na Kepa Ehau i tauoko: "E whakaae ana tenei Poari ki te tuku i te £6,000 ka puta mai i te Putea o te Motu i te tahi o nga ra o Aperira, ki taua Putea, ina taea te whakatutuki o nga whakaritenga kua tukuna atu ki te Minita Maori, ki te kore me tuku ki te Peeke o Niu Tirenī i raro i wana whakaritenga."—Whakaaetia ana.

25. **RARURARU O NGA MEMA.** I te mea kaore ano kia tuwhera te Kaute a te Poari kaore he moni hei whakarite i nga raruraru o nga mema, ka inoi te hui ki te Tiamana kia riro mana e rapu he huarahi hei whakarite i tenei ahua.

Ka hiki i konei te hui mo te 2.30 o nga haora i te ahiahi.

2.30 O NGA HAORA I TE AHIAHI.

Ka tuwhera te hui. I tae katoa mai nga mema. Ko H. T. Mitchell te Tiamana. Ka whakaatu te Tiamana kua rite i a ia te taha mo nga moni hei whakarite i nga raruraru o nga mema, kei te tuwheratanga o te Kaute a te Poari paahitia nga pukapuka whakamana i tenei ahuatanga.

26. Na Kepa Ehau i whakatuwhera he haurahi mo te Teputehana a Ngati Whakaue i haere mai i runga i te tukunga o Raniera Kingi i tana tuunga mema o te Poari i tona whakatuunga hei Hekeretari, Nga Take:

(1) Me riro taua tuunga i tetahi tangata o roto i nga hapu o te Moana o Rotorua.

(2) Ko te Wera Loffley te tangata mo taua tuunga. Na te Morehu Kirikau raua ko Wirihana Tamati i whakaari ko Tiakiawa Tahuriorangi hei tango i taua tuunga.

I riro ma te Poari e whiriwhiri i waenganui o enei tangata. Kaati i te tukunga ki te pooti ka tu ko Tiakiawa e waru nga pooti, ia te Wera e whitu.

Whakaaetia ana i runga i te motini a Te Morehu te Kirikau na Kepa Ehau i tautoko: "Kia tukua he reta ma te Poari ki te Minita Maori whakaari ia Tiakiawa Tahuriorangi hei mema mo te Poari ki te Tuunga o Raniera Kingi."

27. I whakaaetia i runga i te motini a Raureti Mokonuiarangi na Te Waaka te Rohu i tautoko. Kia whakaputa tenei Poari i tana mihi kia te Hon. A. T. Ngata mo ana awhina nui i te Poari i tenei tana hui tuatahi.

I konei ka mutu te hui a i runga i te motini a Kepa Ehau na Raureti Mokonuiarangi i tautoko ka whakaputaina e te hui tana mihi ki te Tiamana.

HUI NUI KI TE TOTARA, RUATOKI.

Tuatahi (Huraa).—Katu he ra nui. ara he "Huraa" na te Hahi Ringatu i te 1 o nga ra o Huraa, 1924. Ko te marae kei te Totara. koia nei tetahi o nga marae o Tuhoe, Matatua.

Tuarua (Hui Raupatu).—Kua whakaaria e te Honore Mema (A. T. Ngata) kia tu he Hui Raupatu a muri tata tonu iho i te Huraa. Kia whaiti ai nga tangata. e noho huihui tonu ana, i na tae mai nga tangata nunui a te Kawana me te Mema hoki. E pa ana tenei take kia.—Waitahanui. Ngati Pukeko. Ngati Awa, Whakatohea. me Tuhoe katoa.

Tuatoru.—Ra Whanau (Birthday of our Member. Hon. A. T. Ngata).—Kinga whanaunga. kinga hoa piripono. I runga i te tuponotanga. no reira hemea tika ano kia whakamua te 3 o nga ra o Huraa. Ko te ra tenei i whanau ai, te Tamaiti matamua a te tino Tupuna o te ao a Matauranga ara a Apirana Ngata. Kua meinga nei hoki ia hei Toka tu Moana mo te Iwi Maori. Tona marama. tona kaha. tona aroha hemea whakamiharo ki te ngakau o te tangata whai whakaaro. Ma te Atua ia e tohu e awhina i nga wa katoa.—*Amine*.

Tuawha.—Whokatuwheratanga Whare ("Hall").—Kua hangaia tetahi whare nui ara he "Hall" ki te marae i te Totara. A kei te 24 o Mei, 1924, ka whaka tuwheratia. Taria nga panui. Tona nui 16 putu te roa o te Hooro. "Hall" 10 putu te puroa teitei. "Stage" 10 putu ano te whare inuina ti "Mess Room." Hui katoa 1 tiini. Ko te whanui 28 putu. Ko te teitei o te Stage 2 putu e 6 inihi. Heoi ano na te

VILLAGE MANAGEMENT COMMITTEE

[Takurua Tamarau (chairman). Wiremu Moana (Secretary). Paora Kurutia. Tamarehe Waewae, Hata Waewae. Tupara Kaaho.]

HEI WHITI KI MO TA TATOU TAMAITI.

Rev. H. Munro, Nuhaka	7	0	kipaki	6	6
Teihi Peka, Opoutama	7	0	Karanema Wairoa, Po-		
Riwai Raroa, Rangitukia	1	0	0 rangahau	5	0
Enoka Rukuata, Rangitukia	1	0	0 S. Mate, Rangitaiki	6	6
Piripi Rairi, Rangitukia	10	0	0 Toki Wharetapu, Rua-		
Huri Korimete, Rangitukia	7	0	0 toki North	6	6
Kereni Turei, Rangitukia	6	6	Huraa Te Wahapapa,	10	0
Panapa Tuari, Waipatu	6	6	0 Rotoiti		
J. Karaitiana Nikera,	6	6	0 Repoama Pohe, Tura-		
Pakipaki	6	6	0 ngarere	10	0
Morehu (Moleskin), Pa-	6	6	0 Erika Akuhata, Kaikohe	6	6
Miss Airini Hea, Ruatoki	10	0	0 Rangi Rautahi, Danne-		
Heuheu Poutawa, Wai-	6	6	0 virke	1	0
roa	6	6	0 Ngakuru Pene Haare,		
Miss K. Williams, Napier	6	0	0 Hokianga	13	0
Nikora Peeti, Makirikiri	6	6	0 Herepete Rapihana, Kai-		
			0 taia	1	0
				0	0

KIA ORA NGA MANAAKI. NGA TANGATA KAORE ANO KIA TUKU HERENI MAI HEI WHAKARITE I A RATOU NAMA KI TE PEPA, KIA MAHARA KI TE WHAKATAUKI A O TATOU TIPUNA: "HE HURUHURU TE MANU KA RERE."

HE TOA TAKARO.

K Ei te Hatarei te 3 o Mei ka tu ai te po whakataetae a Ihakara Rapana (Robin) ki a Sunni he Inia, ki Nepia.

Ko Ihakara te toa mo te whiri (wrestling) o Nu Tirenui mo nga tangata taumaha. Engari ko Sunni te tangata tino matau mo taua mahi kua kitea ki Nu Tirenui nei. Ko te tau-maha o Ihakara i te tau ka huri nei e 21 toone. Inaianei kua hoki ki te 17 toone. Ko te Inia kei raro iho i te 12 toone. Kei te whakataetae raua mo te "Champion" o Nu Tirenui katoa, me nga moni e £200. Ko Ihakara te kai-karakiao Te Kohu-patiki, tetahi o nga kainga o Heretaunga. He tino tangata kaha o Ihakara. He tino tangata matau hoki te Inia, i rite tona tinana ki te tuna, a he uaua te hopu i taua tangata.

HE MATE WHAKAOHORERE.

N O te 19 o nga ra o Aperira nei ka mate a Pe Tepurewa, he tamaiti rangatira, no runga i nga tupuna e maha. Ko ona tau 17. I mate ia i te mate kino, ara he mea pupuhi ki te pu, ka tu ki te uma, ka mau mai te mata i te tapeha o te tuara. Ko te tangata nana i pupuhi, he tamaiti pakeha, he tamaiti na Tame Teiwihi o Opouriao. E 3 maero atu i Ruatoki ki te kainga o te pakeha nei. I haere a Pe ki te whakahoki i te kaata a taua pakeha. Rokohanga atu ko te tamaiti pakeha anake i te kainga. Kotahi raua ka takaro ki a raua, me tetahi pu, he mata kei roto. Rokohanga ka paku te pu nei i runga i ta raua raweke. Ka tu ki te mea Maori o raua, ka mate te mea Maori. Engari ko te mamao i waenganni i a raua e tata ana ki te 30 nga iari. Kua oti te uiui e te Ture, a kua kitea he aitua. Engari ko te pouri me te wetiweti mo tenei mate kino, kei te pouri ona iwi me ona hapu e noho atu nei. He uri a Pe Te Purewa no nga tupuna e maha, no nga waka nei, no Matatua, no Takitimu, no Kurahaupo. He uri no Kahungunu me etahi atu.

—Na. D. P. Hawiki.

2. WAIKATO-MANIAPOTO DISTRICT, SOUTH AUCKLAND Court Sittings (1924).

Kawhia—1st April, 1924. Thames—1st July, 1924.
Ngaruawahia—6th May, 1924. Auckland—29th July, 1924.
Te Kuiti—29th May, 1924.

Board Meetings (1924).

Auckland—29th April, 1924. Thames—22nd July, 1924.
Te Kuiti—23rd June, 1924.

3. TAIRAWHITI DISTRICT, GISBORNE. Court Sittings and Board Meetings (1924).

Ruatorea—24th April, 1924. Gisborne—14th July, 1924.
Gisborne—12th May, 1924. Wairoa—29th July, 1924.
Tikitiki—28th May, 1924.

4. IKAROA DISTRICT, WELLINGTON.

Court Sittings (1924).

Masterton—8th April, 1924. Wellington—20th May, 1924.
Hastings—24th April, 1924. Wellington—15th July, 1924.
Levin—13th May, 1924. Greytown—29th July, 1924.

Board Meetings (1924).

Masterton—10th April, 1924. Wellington—22nd May, 1924.
 Hastings—24th April, 1924. Wellington—17th July, 1924.
 Levin—15th May, 1924. Greytown—31st July, 1924.

5. SOUTH ISLAND DISTRICT, WELLINGTON.**Court Sittings (1924).**

Picton—25th March, 1924. Dunedin—24th June, 1924.
 Kaiapoi—4th June, 1924. Invercargill—1st July, 1924.
 Temuka—17th June, 1924.

Board Meetings (1924).

Picton—27th March, 1924. Dunedin—26th June, 1924.
 Kaiapoi—5th June, 1924. Invercargill—3rd July, 1924.
 Temuka—19th June, 1924.

6. AOTEA DISTRICT, WANGANUI.**Court Sittings and Board Meetings (1924).**

Wanganui—8th April, 1924. Wanganui—1st July, 1924.
 New Plymouth—29th April, 1924. Marton—15th July, 1924.
 Wanganui—20th May, 1924. New Plymouth—23rd July, 1924.
 Hawera—10th June, 1924.

7. WAIARIKI DISTRICT, ROTORUA.**Court Sittings (1924).**

Rotorua—7th April, 1924. Rotorua—16th June, 1924.
 Matata—20th May, 1924. Opotiki—22nd July, 1924.
 Whakatane—27th May, 1924. Kaha—30th July, 1924.

Board Meetings (1924).

Rotorua—14th April, 1924. Rotorua—23rd June, 1924.

MARAMATAKA.

Mei 1.—TAITE. Ra o Piripi raua ko Hemi.

.. 4.—RATAPU 2 I MURI I TE ARANGA.

Tau 20: 1-14. Ruka 22: 54.
 Tau 20, 14 ki 21: 10. 1 Teha 1.

.. 11.—RATAPU 3 I MURI I TE ARANGA.

Tau 22. Hoani 2.
 Tau 23. 2 Teha 3.

.. 18.—RATAPU 4 I MURI I TE ARANGA.

Tiu 4: 1-23. Hoani 6: 1-22.
 Tiu 4: 23. 2 Tim. 1.

.. 25.—RATAPU 5 I MURI I TE ARANGA.

Tiu. 6. Hoani 9, 1-39.
 Tiu. 9. Pirimona.

.. 26 ki 28. —RA RITANI.

.. 29.—TAITE. RA KAKENGA.

HUNE 1. RATAPU I MURI I TE KAKENGA.

Tiu. 30. Hoani 13: 1-21.
 Tiu. 34. Hiperu 8.

.. 8.—RATAPU O TE PETEKOKA.

Nga Waiata: Ata 48, 68. Ahiahi: 104, 145.
 Tiu. 16, 1-18. Roma 8, 1-18.
 Ihaha 11. Karatia 5: 16.

.. 11. RA O PANAPA.

.. 11 ki 14.—RA EMIPA.

.. 15.—RATAPU O TE TOKOTORU.

Ihaha 6, 1-11. Whkt. 1, 1-9.
 Kenchi 18. Epeha 4: 1-17.

W.

V.

W.

W.

R.

R.

W.